



XUNTA DE GALICIA  
CONSELLERÍA DO MEDIO RURAL



## CONVENIO DE COLABORACIÓN ENTRE AGADER E “CAIXA RURAL GALEGA, Sociedad Cooperativa de Crédito Limitada Gallega” SOBRE O FINANCIAMENTO DOS PROGRAMAS LEADER E DINAMIZADORES

En Santiago de Compostela, a 13 de febreiro de 2009.

### REUNIDOS

Dunha parte, D. Alfredo Suárez Canal, Conselleiro de Medio Rural, segundo o Decreto 213/2005, do 3 de agosto (DOG nº 149 do 4 de agosto) e Presidente da Axencia Galega de Desenvolvemento Rural (en diante, Agader).

E da outra, D. Jesús Antonio Méndez Álvarez-Cedrón, na súa condición de Director Xeral da entidade CAIXA RURAL GALEGA, Sociedad Cooperativa de Crédito Limitada Gallega(en diante, “Caixa Rural Galega”).

Ambas partes recoñécense reciprocamente capacidade legal para outorgar o presente convenio e, a tal fin,

### EXPOÑEN

**Primeiro:** Agader ten encomendadas, entre outras, as funcións de impulsar a formulación e aplicación a nivel comarcal de estratexias de desenvolvemento rural integrado, en especial mediante a dinamización e coordinación de grupos de desenvolvemento rural (GDR) encargados da súa execución, así como de xestionar as medidas e actuacións que se lle encomenden no marco da programación 2007-2013 dos fondos agrarios de desenvolvemento rural. No marco desas funcións vai executar actuacións nos eixes 3 e 4 do Programa de Desenvolvemento Rural de Galicia 2007-2013 (PDR) a través do programa Leader e do programa de proxectos dinamizadores das áreas rurais.

**Segundo:** Que Caixa Rural Galega está interesada en participar nas actuacións postas en marcha por Agader de apoio a o medio rural a través dos anteditos programas Leader e Dinamizadores.

Xa que logo, de acordo con todo o anteriormente exposto, habida conta do interese común de ambas as dúas partes, a través do presente convenio preténdese articular un marco de colaboración con suxeición ás seguintes:

### CLÁUSULAS

#### **Primeira.- Obxecto e ámbito territorial do convenio.**

O obxecto deste convenio é establecer, no ámbito territorial de Galicia, a forma e condicións nas que deberá desenvolverse a colaboración entre Agader e Caixa Rural Galega para a instrumentación de liñas de financiamento a interese preferente vinculadas aos programas Leader e Dinamizadores.

#### **Segunda.- Liñas de financiamento.**

Caixa Rural Galega comprométese á creación dunha liña de préstamos, por importe de até 10 millóns de euros, destinada especificamente ao financiamento de empresas e particulares beneficiarios dos programas Leader e Dinamizadores.



### **Terceira.- Período de vixencia.**

A duración deste convenio será a do período de programación, 2007-2013, aínda podendo revisarse as súas cláusulas anualmente.

As condicións financeiras recollidas neste documento poderán ser revisadas, á alza ou á baixa, sempre que as variacións nos mercados financeiros así o xustifiquen, cun preaviso de un mes entre as partes.

### **Cuarta.- Compromisos de Agader.**

Agader comprométese a realizar unha ampla difusión deste convenio entre todos os beneficiarios de axudas dos programas Leader e Dinamizadores.

### **Quinta.- Compromisos de Caixa Rural Galega.**

Caixa Rural Galega aplicaralles aos GDR do programa Leader as condicións financeiras recollidas no **Anexo I** a este convenio titulado **“Condicións financeiras para os GDR do programa Leader.**

Caixa Rural Galega aplicaralles aos beneficiarios dos programas Leader e Dinamizadores as condicións financeiras recollidas no **Anexo II** a este convenio titulado **“Condicións financeiras para os beneficiarios dos programas Leader e Dinamizadores”**, os cales deberán achegar unha vinculación comercial suficiente.

“Caixa Rural Galega”, mostra a súa máxima disposición para a través dos presupostos do seu Fondo de Educación e Promoción destinado o apoio dos sectores produtivos, contribuirá a impulsar e desenvolver aquelas iniciativas emprendidas polos GDRs, que asinen convenios de colaboración con “Caixa Rural Galega”, e que teñan por obxecto promover as actividades dos seus asociados, até unha cuantía máxima anual de 1.500 €, para cada GDR.

### **Sexta.- Compromisos dos beneficiarios.**

Para poder acollerse a calquera das liñas de financiamento especial detalladas na cláusula precedente, os beneficiarios deberán xuntar á súa solicitude a xustificación necesaria de estaren acollidos aos programas Leader ou Dinamizadores. En todo caso, Caixa Rural Galega poderá aprobar ou rexeitar as solicitudes de financiamento que lle sexan efectuadas ao abeiro deste convenio, conforme aos seus propios criterios de valoración de riscos e, no seu caso, esixir as garantías adicionais que considere axeitadas.

### **Sétima.- Comisión de seguimento.**

Co fin de conseguir a maior operatividade na aplicación deste convenio e velar polo axeitado cumprimento dos seus obxectivos, constitúese unha comisión de seguimento, integrada por dous representantes designados por cada unha das partes.

As funcións da citada comisión serán:

- Interpretar o contido do convenio e adoptar as decisións de carácter operativo axeitadas para a súa correcta aplicación.
- Efectuar o seguimento e avaliación dos resultados do convenio. Analizar posibles incidencias ou queixas de beneficiarios que teñan dificultades de acceso aos produtos amparados polo convenio.



XUNTA DE GALICIA  
CONSELLERÍA DO MEDIO RURAL



-Servir de canle de diálogo sobre os asuntos que poidan ser de interese mutuo.

**Oitava.- Natureza do convenio.**

Este convenio terá natureza administrativa. Calquera cuestión que suscite a interpretación, aplicación e efectos deste convenio e que non queden resoltos pola comisión de seguimento será sometida á xurisdición contencioso-administrativa.

E para que así conste, en proba de conformidade asínase o presente convenio, no lugar e data sinalados no encabezamento.

Por Caixa Rural Galega,

Asdo: D. Jesús Antonio Méndez Álvarez-Cedrón

Por Agader

Asdo: D. Alfredo Suárez Canal




XUNTA DE GALICIA  
CONSELLERÍA DO MEDIO RURAL



## ANEXO I

**Condicións financeiras para os GDR do programa Leader**




**XUNTA DE GALICIA**  
**CONSELLERÍA DO MEDIO RURAL**



**ANEXO I.- CONDICIÓN FINANCEIRAS PARA OS GDR DO PROGRAMA LEADER** Febreiro 2009

FINALIDADE	PRODUTO	XUROS	COMISIONS	PRAZO	OBSERVACIONS
<b>FINANCIAMENTO A CURTO PRAZO</b>	PÓLIZA DE CRÉDITO PARA OS GRUPOS DE DESENVOLVEMENTO RURAL	EURIBOR ( 3 meses) + 1	FORMALIZACIÓN: 0% NON DISPONIBILIDADE: 0% OTRAS COMISIONS: EXENTO	ATÉ 2 ANOS, CON RENOVACIÓN TÁCITA ANUAL	IMPORTE: ATÉ 20.000 €

As condicións financeiras recollidas neste documento poderán ser revisadas, á alza ou a baixa, sempre que as variacións nos mercados financeiros así o xustifiquen, cun preaviso de un mes entre as partes



**XUNTA DE GALICIA**  
CONSELLERÍA DO MEDIO RURAL



## ANEXO II

**Condições financeiras para os beneficiarios dos programas  
Leader e Dinamizadores**



XUNTA DE GALICIA  
CONSELLERÍA DO MEDIO RURAL



**ANEXO II.- CONDICIÓN FINANCEIRAS PARA AS EMPRESAS E PARTICULARES BENEFICIARIOS DE PROXECTOS VINCULADOS AOS PROGRAMAS LEADER E DINAMIZADORES DE AGADER**

Febrero 2009

FINALIDADE	PRODUTO	XUROS	COMISIONS	PRAZO	OBSERVACIONS
<b>FINANCIAMENTO</b>	PRÉSTAMO PERSONAL VARIABEL	EURIBOR ( 1 ano) +1,25	FORMALIZACIÓN: 1% AMORTIZACIÓN ANTICIPADA:0% CANCELACIÓN ANTICIPADA: 0%	ATÉ 10 ANOS	BANDA FLUTUACIÓN 4,00%-15,00% IMPORTE MÍNIMO: 10.000 EUROS
	<b>FINANCIAMENTO HIPOTECARIO (*)</b>	PRÉSTAMO HIPOTECARIO VARIABEL VIVENDAS EURIBOR ( 1 ano) +0,60 PRÉSTAMO HIPOTECARIO VARIABEL OUTROS INMOBLES EURIBOR ( 1 ano) +0,85	FORMALIZACIÓN: 0,50 % (Min 300 €) Compensacións ou comisións aplicables cando concorran o non as circunstancias previstas no art. 7 da Lei 41/2007 (*)	ATÉ 20 ANOS ATÉ 15 ANOS	BANDA FLUTUAC.:4,00 %- 15,00% IMPORTE MAX. S/ TASACIÓN:80% BANDA FLUTUAC.:4,00 %- 15,00% IMPORTE MAX. S/ TAXACIÓN:60%

(\*) Estas condicións inclúense nun paquete de produtos que levaría aparelada a contratación en Caixa Rural Galega dun seguro do inmoble e o seguro do negocio

Amortización Anticipada 0% e Cancelación Anticipada 1%. Compensacións aplicables por cancelacións subrogatorias ou non subrogatorias cando concorran as circunstancias previstas no art. 7 da Lei 41/2007: Desistimento parcial ou total durante os primeiros cinco anos 0,50% e a partir do 5º ano 0,25%. Risco tipo de xuro 1% (só se percibirá se existe unha perda para a Entidade e cando os préstamos son a tipo de xuro fixo ou variable con período de revisión do tipo de xuro superior a doce meses.

As condicións financeiras recollidas neste documento poderán ser revisadas, á alza ou a baixa, sempre que as variacións nos mercados financeiros así o xustificuen, cun preaviso de un mes entre as partes



**ANEXO II.- CONDICIÓN FINANCEIRAS PARA AS EMPRESAS E PARTICULARES BENEFICIARIOS DE PROXECTOS VINCULADOS AOS PROGRAMAS LEADER E DINAMIZADORES DE AGADER** Febreiro 2009

FINALIDADE	PRODUTO	XUROS	COMISIONS	PRAZO	OBSERVACIÓNS
<b>FINANCIAMENTO A-CURTO PRAZO</b>	PÓLIZA DE CRÉDITO DE ANTICIPO DE SUBVENCIONS	EURIBOR ( 3 meses) + 1	FORMALIZACION: 0,50% NON DISPONIBILIDADE: 0%	1 ANO	LIQUIDACIÓN TRIMESTRAL BANDA FLUTUAC.:4,00 %- 15,00% IMPORTE MAX. ATÉ 100% SUBVENCIÓN IMPORTE MÍNIMO: 10.000 EUROS GARANTÍAS: CESIÓN E DOMICILIACIÓN IRREVOCABEL, EN CONTA ABERTA EN CAIXA RURAL GALEGA, DAS SUBVENCIONS ANTICIPADAS

AVAIS	AVAIS
	APERTURA-AVAL: 0,15% (MÍNIMO 15 €) COMISIÓN RISCO AVAL: 0,20% TRIMESTRAL (MÍNIMO 15 €)

As condicións financeiras recollidas neste documento poderán ser revisadas, á alza ou a baixa, sempre que as variacións nos mercados financeiros así o xustificuen, cun preaviso de un mes entre as partes